

**Anexo V**

CONCELLO	LOCALIDADE	CÓDIGO	DENOMINACIÓN
<b>Provincia A Coruña</b>			
Dumbria	Ézaro	15006158	CEIP de Ézaro
Muros	Abelleira	15021184	EEI de Abelleira
Muxía	Frixe	15024291	EEI de Frixe
Ortigueira	Espasante	15011798	CEIP Espasante
Rois	Buxán	15014635	CEIP do Piñeiro
Santiago de Compostela	Villestro	15016413	EEI de Feáns-Villestro
Trazo	Xavestre	15020167	CEIP de Xixirei
<b>Provincia Lugo</b>			
Begonte	Gaibor	27015050	EEI Gaibor
Láncara	Láncara	27020537	EEI de Láncara
Vilalba	Oleiros	27015815	EEI de Oleiros
Viveiro	Landrove	27013491	CEIP de Landrove
Viveiro	Valcarría	27013910	EEI da Xunqueira
<b>Provincia Ourense</b>			
Lobeira	Lobeira	32015694	CEIP de Lobeira
<b>Provincia Pontevedra</b>			
Barro	Portela	36013141	EEI da Cancela
Mondariz	Vilasobroso	36005051	EEI de Vilasobroso
Mos	A Portela	36017533	EEI de Puxeiros-A Portela
Poio	Raxó	36014015	EEI de Raxó
Vilagarcía de Arousa	Carril, O	36016553	EEI de Trabanca

*Resolución do 26 de xuño de 2008, da Dirección Xeral de Formación Profesional e Ensinanzas Especiais, pola que se ditan instrucións para o acceso e a admisión do alumnado aos estudos superiores de deseño no ano académico 2008-2009.*

A Orde do 6 de marzo de 2008, pola que se regula o acceso e admisión ás ensinanzas superiores de deseño, establece o proceso de admisión para quen non reúne os requisitos académicos establecidos con carácter xeral e para aquelas persoas que, reunindo os requisitos académicos, deben superar a proba específica definida na mesma orde, e autoriza a Dirección Xeral de Formación Profesional e Ensinanzas Especiais, na súa disposición derradeira primeira, para ditar as instrucións necesarias para o desenvolvemento do previsto nesa orde.

O Real decreto 1496/1999, do 24 de setembro, establece os estudos superiores de deseño, a proba de acceso e os aspectos básicos do currículo deses estudos; e o Decreto 233/2005, do 14 de xullo, establece o currículo dos estudos superiores de deseño e regula o acceso a ditas ensinanzas para a súa aplicación na Comunidade Autónoma de Galicia, dispoñendo no seu artigo 15 que a Dirección Xeral de Formación Profesional e Ensinanzas Especiais realizará as convocatorias anuais das probas de acceso e

das de madurez, que se desenvolverán nas escolas superiores de deseño.

Na súa virtude, esta dirección xeral

**RESOLVE:****Primeiro.-Solicitudes de admisión.**

1. As solicitudes de admisión para os estudos superiores de deseño, acceso directo, proba de madurez e proba específica, faranse nas escolas de arte e superiores de deseño desde o día seguinte á publicación desta resolución no DOG ata o 30 de xullo, ou ben do 1 ao 5 de setembro.

2. Para a formalización das solicitudes de admisión as escolas de arte e superiores de deseño facilitaránles ás persoas interesadas o modelo que se xunta como anexo I a esta resolución. Unha vez cuberta, entregarase unha única instancia na secretaría da escola que imparta a especialidade á que solicita acceder en primeira opción, xunto coa documentación que, se é o caso, sexa necesaria para a acreditación dos datos consignados:

-Fotocopia do DNI ou pasaporte.

-Título de bacharel ou certificación académica en que figure ter realizado o depósito do correspondente título, ou libro de cualificacións do bacharelato, se fose o caso.

-Certificado de estudos do ciclo formativo en que figuren as cualificacións das diferentes materias cursadas e ter realizado o depósito do correspondente título ou o libro de cualificacións do ciclo formativo, se fose o caso.

-Certificado da proba de acceso aos estudos superiores de deseño, se fose o caso.

**Segundo.-Desenvolvemento das probas.**

1. As probas para os estudos superiores de deseño serán elaboradas pola Dirección Xeral de Formación Profesional e Ensinanzas Especiais de acordo co establecido na Orde do 6 de marzo de 2008, pola que se regula o acceso e admisión ás ensinanzas superiores de deseño, e de acordo co establecido nos anexos II e III desta resolución.

As probas de acceso realizaranse nos días e horas que se indican a continuación:

a) Acceso mediante proba de madurez e proba específica.

-Proba de madurez: 11 de setembro, das 10.00 ás 13.00 horas.

-Proba específica:

Primeiro exercicio día 15 de setembro das 10.00 ás 13.00 horas.

Segundo exercicio (primeira parte) día 16 de setembro das 10.00 ás 14.00 horas.

Segundo exercicio (segunda parte) día 16 de setembro das 17.00 ás 18.00 horas.

b) Acceso mediante proba específica.

-Proba específica:

Primeiro exercicio día 15 de setembro das 10.00 ás 13.00 horas.

Segundo exercicio (primeira parte) día 16 de setembro das 10.00 ás 14.00 horas.

Segundo exercicio (segunda parte) día 16 de setembro das 17.00 ás 18.00 horas.

2. Calquera posible variación sobre este calendario requirirá autorización expresa da Dirección Xeral de Formación Profesional e Ensinanzas Especiais.

Terceiro.-*Proceso de matrícula.*

1. As escolas de arte e superiores de deseño, antes do 23 de setembro, farán pública a resolución definitiva de adxudicación de prazas, tanto as de acceso directo como as de acceso por proba específica, así como a relación de solicitantes de cada unha das especialidades, coa totalidade de puntuación outorgada por epígrafes. Estarán ordenadas de maior a menor puntuación e remitiráselle á comisión autónoma de escolarización a relación do alumnado que non obtivo praza na escola e solicitaba ademais outras escolas.

2. O alumnado que obteña praza adxudicada deberá formalizar a súa matrícula do 23 ao 26 de setembro. A non formalización da matrícula no prazo estipulado, salvo causas debidamente xustificadas, implicará a perda do dereito a acceder a estas ensinanzas no curso 2008-2009.

3. A comisión autónoma de escolarización resolverá a adxudicación das prazas vacantes aos solicitantes que non obtiveron praza. Da resolución definitiva das prazas farase a correspondente publicación nas escolas de arte e superiores de deseño o día 1 de outubro. Os admitidos segundo esta resolución terán de prazo para matricularse desde o 6 ao 10 de outubro.

4. Para cada especialidade constituirase, con carácter xeral, un único grupo de alumnos por escola. O número de prazas por cada grupo será de 30 alumnos. Calquera modificación deste número requirirá autorización previa e expresa da delegación provincial da Consellería de Educación e Ordenación Universitaria.

Cuarto.-*Órganos competentes para resolver a admisión do alumnado.*

1. Tal e como se establece no artigo 7 da Orde do 6 de marzo, a Dirección Xeral de Formación Profesional designará un tribunal formado por un presidente e catro vogais, así como outros asesores sen función cualificadora, que será o órgano competente para resolver sobre a admisión do alumnado, tal como queda recollido no anexo IV desta resolución.

2. Unha vez concluído o proceso de admisión do alumnado os presidentes dos tribunais publicarán a listaxe de persoas admitidas e non admitidas, en orde decrecente segundo a puntuación asignada.

Contra esta resolución, as persoas interesadas poderán presentar reclamación segundo se establece no capítulo sétimo desta resolución.

3. As escolas comunicaranlle o día 1 de outubro á comisión autónoma de escolarización o número de persoas admitidas e o número de prazas vacantes en cada especialidade. Tamén lle remitirán as relacións de todas aquelas persoas que non obtiveran praza na escola.

Quinto.-*Información pública do proceso.*

As escolas de arte e superiores de deseño deberán expoñer nos seus taboleiros de anuncios a seguinte información:

- a) Normativa reguladora da admisión do alumnado.
- b) Prazas que oferten nas distintas especialidades que teñan autorizadas.
- c) Calendario de publicación da relación de alumnado admitido, así como dos prazos para presentar reclamacións.
- d) Calendario e normas para formalizar a matrícula.

Sexto.-*Comisión autónoma de escolarización.*

A Dirección Xeral de Formación Profesional e Ensinanzas Especiais poderá constituír, cando o estime oportuno, unha comisión autónoma de escolarización para resolver sobre as solicitudes que non obtiveron praza nas escolas de arte e superiores de deseño, tal e como se establece no artigo 8 da Orde do 6 de marzo.

Sétimo.-*Reclamacións.*

1. Contra as resolucións dos tribunais, da comisión autónoma de escolarización ou da inspección educativa, se é o caso, as persoas interesadas poderán presentar reclamación no prazo de tres días, contados a partir da data da súa publicación, ante o órgano que as ditou, que deberá resolver no prazo máximo de cinco días.

2. Contra as resolucións das reclamacións emitidas polos tribunais ou pola inspección educativa, a persoa interesada poderá interpoñer recurso de alzada no prazo dun mes, ante o/a delegado/a provincial da Consellería de Educación e Ordenación Universitaria da provincia en que se ditou a resolución recorrida. A resolución deste recurso porá fin á vía administrativa.

3. Contra as resolucións das reclamacións emitidas pola comisión autónoma de escolarización, a persoa interesada poderá interpoñer recurso de alzada no prazo dun mes, ante a Dirección Xeral de Formación Profesional e Ensinanzas Especiais. A resolución deste recurso porá fin á vía administrativa.

Santiago de Compostela, 26 de xuño de 2008.

Antonio Vázquez Vázquez  
Director xeral de Formación Profesional  
e Ensinanzas Especiais



PROCEDEMENTO <b>SOLICITUDE DE ADMISIÓN AOS ESTUDOS SUPERIORES DE DESEÑO</b>	CÓDIGO DO PROCEDEMENTO <b>ED312E</b>	DOCUMENTO <b>SOLICITUDE</b>
--------------------------------------------------------------------------------	-----------------------------------------	--------------------------------

## DATOS PERSOAIS DO/A SOLICITANTE

PRIMEIRO APELIDO	SEGUNDO APELIDO	NOME	NIF
DATA DE NACEMENTO	SEXO <input type="checkbox"/> HOME <input type="checkbox"/> MULLER	DOMICILIO (RÚA, NÚMERO E PISO)	
PROVINCIA	CONCELLO		
LOCALIDADE	CÓDIGO POSTAL	TELÉFONO	

EXPÓN: que cumpre o requisito de acceso (marque cun X a opción correspondente)

- Directo:

- 1.- Técnico superior en artes plásticas e deseño.  
 2.- Técnico superior de formación profesional específica.

- Mediante proba:

- 3.- Proba de acceso específica.  
 4.- Proba de madurez e proba de acceso específica.

Xunta a seguinte documentación acreditativa (fotocopia cotexada)

- DNI ou partida de nacemento (todos os casos)  
 Título (casos 1 e 2 do acceso)  
 Certificación académica en que conste o depósito do título (casos 1 e 2 do acceso)  
 Título de bacharelato LOXSE (caso 3 do acceso)  
 Certificado de ter superada a proba de madurez (caso 4 do acceso)

SOLICITA: ser admitido/a para o curso escolar  /  como alumno/a para cursar, por orde de preferencia, os estudos seguintes (1):

CENTRO EDUCATIVO	ESTUDO SUPERIOR DE DESEÑO	LOCALIDADE (provincia)

(1) A posta en funcionamento destes estudos estará condicionada á existencia dun mínimo de 10 alumnos/as, non cuantificándose para estes efectos o alumnado repetidor

Quen abaixo asina DECLARA QUE:

Ile presta expresamente o seu consentimento á Consellería de Educación e Ordenación Universitaria para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta orde no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, a contía e a súa finalidade, na forma que determine o órgano competente.

LEXISLACIÓN APLICABLE

- Decreto 233/2005, do 14 de xullo, polo que se establece o currículo dos estudos superiores de deseño e se regula o acceso ás ditas ensinanzas.  
- Orde do 6 de marzo de 2008 pola que se regula o acceso e a admisión ás ensinanzas superiores de deseño  
- Resolución do 26 de xuño de 2008, da Dirección Xeral de Formación Profesional e Ensinanzas Especiais, pola que se ditan instrucións para o acceso e a admisión do alumnado aos estudos superiores de deseño no ano académico 2008-2009.

SINATURA DO/A SOLICITANTE

Lugar e data

, de de

Director/a do centro

Denominación do centro en que presenta a solicitude de admisión (o elixido en 1ª opción)

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

*ANEXO II***Proba de madurez para maiores de dezanove anos**

O aspirante deberá demostrar que posúe os coñecementos propios da etapa educativa precedente. A avaliación de cada un dos exercicios expresarase en termo de cualificacións, utilizando para isto a escala numérica de un a dez, sen decimais. A superación desta proba, que terá carácter eliminatorio para os efectos de participación na proba específica, requirirá que a nota media da totalidade dos exercicios sexa, polo menos, de cinco.

A cualificación global da proba de acceso para maiores de dezanove anos resultará da media aritmética das cualificacións obtidas nas dúas partes de que se compón: proba de madurez e proba específica, sen prexuízo da observancia do procedemento para o cálculo da cualificación da proba específica que se establece no anexo III desta resolución.

A proba de madurez constará de dous exercicios:

## a) Primeiro exercicio.

Desenvolvemento por escrito, durante o tempo máximo dunha hora, das cuestións que se formulen a partir dun texto escrito.

Neste exercicio valorarase tanto a madurez e o nivel de coñecementos referidos aos coñecementos propios da etapa educativa precedente como a comprensión de conceptos, a utilización da linguaxe e a capacidade de análise e síntese.

## b) Segundo exercicio.

Desenvolvemento por escrito, durante o tempo máximo de dúas horas, das cuestións que se formulen a partir dunha conferencia impartida por un membro do tribunal.

Neste exercicio valorarase tanto a madurez e o nivel de coñecementos referidos aos coñecementos propios da etapa educativa precedente como a comprensión de conceptos, a utilización da linguaxe e a capacidade de análise e síntese.

*ANEXO III***Proba específica para acceso aos estudos superiores de deseño**

A proba específica constará de dous exercicios. A cualificación do primeiro exercicio expresarase en termos numéricos, utilizando para iso a escala do un ao dez con dous decimais. Cumprirá obter unha cualificación igual ou superior a cinco para a súa superación.

Así mesmo, a cualificación do segundo exercicio, que será única, expresarase en termos numéricos, utilizando para iso a escala do un ao dez con dous decimais. Cumprirá obter unha cualificación igual ou superior a cinco para a súa superación.

A cualificación final da proba de acceso, que se calculará só se superou cada un dos exercicios,

resultará da media ponderada das cualificacións obtidas nos dous exercicios superados, valorándose o primeiro exercicio nun 40 por cento e o segundo nun 60 por cento. A dita cualificación final expresarase en termos numéricos, utilizando para iso a escala do un ao dez con dous decimais.

## a) Primeiro exercicio.

Este exercicio versará sobre as seguintes materias: lingua galega; lingua castelá e literatura; historia; matemáticas; física e química; e lingua extranxeira. Os contidos e os niveis das probas referiranse ás materias de bacharelato sinaladas anteriormente. Cada aspirante seleccionará tres materias e desenvolverá por escrito unha cuestión de cada unha das elixidas. Para tal efecto proporanse catro cuestións de cada unha das materias. O tempo máximo para contestar a cada unha das materias será de sesenta minutos.

Valoraranse tanto os coñecementos do nivel educativo precedente como o grao de madurez canto á comprensión de conceptos, a utilización da linguaxe e a capacidade de análise e síntese.

## b) Segundo exercicio.

O segundo exercicio constará de dúas partes:

A primeira parte, cunha duración de catro horas, consistirá na realización dun exercicio de representación dun modelo tridimensional mediante a aplicación de técnicas e de linguaxes propias do debuxo artístico, e a representación do mesmo modelo nun sistema de representación técnica.

A segunda parte, cunha duración dunha hora, consistirá na realización dun exercicio compositivo en cor realizado con técnica libre, baseado na libre interpretación do modelo proposto.

Na primeira parte do segundo exercicio valorarase a fidelidade, tanto artística como técnica, da representación, así como as aptitudes creativas, as habilidades, as destrezas, a sensibilidade artística demostrada na realización do exercicio, os coñecementos, a comprensión técnica, a capacidade para crear e resolver problemas, a calidade e precisión no acabado do traballo e a correcta utilización das técnicas empregadas.

Na segunda parte do segundo exercicio valoraranse as aptitudes creativas, as habilidades, as destrezas, a imaxinación e a sensibilidade artística demostrada na realización do exercicio, os coñecementos, a capacidade para crear e resolver problemas compositivos, a calidade estética e a precisión no acabado do traballo, así como a correcta selección e utilización das técnicas e os procedementos artísticos empregados.

## ANEXO IV

**Composición dos tribunais para resolver sobre a admisión nos estudos superiores de deseño**

I. Escola de Arte e Superior de Deseño Pablo Picasso da Coruña.

Tribunal titular		Tribunal suplente	
Presidente	Gonzalo Porral Mato	Presidente	Nicolás López Ciprián
Vogal 1º	Miguel Alonso Oural	Vogal 1º	José Domenche Morro
Vogal 2º	Mario García Herradón	Vogal 2º	Milagros Sánchez Landeira
Vogal 3º	Manuel Fernández González	Vogal 3º	José Ramón Fernández Sánchez
Vogal 4º	Javier López Vila	Vogal 4º	Gonzalo Varela Díaz

II. Escola de Arte e Superior de Deseño Mestre Mateo de Santiago.

Tribunal titular		Tribunal suplente	
Presidente	Jorge Gallardo Quiroga	Presidente	Jorge López Lafuente
Vogal 1º	Santiago Riande Torres	Vogal 1º	Alberto Urrutia Salgado
Vogal 2º	Carlos del Campo Prieto	Vogal 2º	Ángel Lázaro Sastre
Vogal 3º	Jesús Villar Quintás	Vogal 3º	Eugenia Grande Rúa
Vogal 4º	Ana Rego SanMartín	Vogal 4º	María Fernández González

III. Escola de Arte e Superior de Deseño Ramón Falcón de Lugo.

Tribunal titular		Tribunal suplente	
Presidente	Cristóbal Novoa González	Presidente	Aida Fernández Carreira
Vogal 1º	Ramón Irazu Riveira	Vogal 1º	Mª Ángeles Castro Dapena
Vogal 2º	Antonio Gandoy Vázquez	Vogal 2º	Salvador Guinart Rovira
Vogal 3º	Celia Castro Fernández	Vogal 3º	María Vázquez López
Vogal 4º	Ana Luisa Castro Dapena	Vogal 4º	Dolores de las Cuevas Revilla

IV. Escola de Arte e Superior de Deseño Antonio Faílde de Ourense.

Tribunal titular		Tribunal suplente	
Presidente	César Taboada Varela	Presidente	Néstor Martín Gulias
Vogal 1º	Manuel Seoane Feijoo	Vogal 1º	M. Ángel Mantilla González
Vogal 2º	Fco. Javier Rodríguez López	Vogal 2º	Mª Dolores Luz Peláez Rivero
Vogal 3º	José Manuel Taboada Beato	Vogal 3º	Santiago Castro Gil
Vogal 4º	Elena Iglesias Rodríguez	Vogal 4º	Mª José González García

**CONSELLERÍA DE INNOVACIÓN E INDUSTRIA**

*Orde do 24 de xuño de 2008 pola que se establecen as bases reguladoras para a colaboración entre a Consellería de Innovación e Industria e as entidades colaboradoras para a renovación de equipamentos individuais de gas na Comunidade Autónoma de Galicia, e se procede á convocatoria para o ano 2008 das axudas para a adquisición dos novos equipamentos.*

O desenvolvemento económico produciu nos últimos tempos un aumento moi considerable do consumo enerxético, e prevese para os vindeiros anos un crecemento importante en sectores como o terciario e o doméstico. Neste marco, adquire unha importancia especial a promoción da mellora das instalacións de calefacción e auga quente sanitaria.

A Dirección Xeral de Industria, Enerxía e Minas realizou no ano 2006 un estudo sobre o parque de equipamentos individuais de gas en Galicia, e obtivo como conclusións que o 32% dos aparellos analizados teñen máis de dez anos de antigüidade, polo que carecen dos dispositivos de seguridade indicados na Directiva 90/396/CEE do Consello, do 29 de xuño de 1990, e que o 85% dos aparellos son de cir-

cuíto aberto, o que os fai sensibles á ventilación do local onde están instalados, á presenza no mesmo local de aparellos de extracción mecánica de aire e á saída de produtos da combustión, aspectos todos eles aos que son menos sensibles os equipamentos de circuíto estanco.

A Consellería de Innovación e Industria, en virtude do Decreto 231/2006, do 23 de novembro, polo que se establece a súa estrutura orgánica, exerce as competencias da Xunta de Galicia en materia de seguridade industrial e enerxía.

Para a execución de moitas das accións recollidas nesta orde, e tendo presentes os prazos de tramitación establecidos nela, a consellería necesita da participación de entidades próximas aos destinatarios das accións, con experiencia no desenvolvemento deste tipo de actuacións e que teñan contacto xeográfico próximo cos destinatarios finais.

Consonte esta exposición, destaca o interese xeral para Galicia da mellora tanto da seguridade como da eficiencia das instalacións de calefacción e auga quente sanitaria, polo que se establece a seguinte orde de colaboración entre a Consellería de Innovación e Industria da Xunta de Galicia e as entidades colaboradoras para a renovación de equipamentos individuais de gas na Comunidade Autónoma de Galicia, e procédese á convocatoria para o ano 2008 das axudas para a adquisición dos novos equipamentos.

De acordo co establecido na Lei 9/2007, do 13 de xuño, de subvencións de Galicia, esta orde tramítase na modalidade de concorrencia non competitiva, de modo que as solicitudes de subvención serán atendidas respectando a súa orde de entrada e sen comparación con outras solicitudes, ata o esgotamento do crédito dispoñible. A elección deste procedemento de concesión de axudas vén xustificado polo feito de que os requisitos que se teñen que cumprir para a concesión da subvención están fixados de forma clara e regulada nesta orde, de tal maneira que non é axeitado para a finalidade e para o obxecto da axuda, establecer criterios de graduación entre os posibles beneficiarios.

Na súa virtude, e no uso das atribucións que me foron concedidas

**DISPOÑO:**

Artigo 1º.-*Convocatoria e bases reguladoras.*

1. Esta orde ten por obxecto establecer as bases polas que se rexerá a colaboración entre a Consellería de Innovación e Industria da Xunta de Galicia e as entidades colaboradoras, para a promoción da substitución de equipamentos (caldeiras ou quantadores) individuais de gas de circuíto aberto cunha antigüidade maior a dez anos por novos equipamentos individuais de gas de circuíto estanco e que cumpran coas exixencias do RITE, especialmente no relativo ao seu rendemento (Real Decreto 1027/2007, do 20 de xullo, polo que se aproba o Regulamento de instalacións térmicas nos edificios).